

四庫全書

史部

欽定四庫全書

史部

平定金川方畧

御製序

卷一

目錄

詳校官編修_臣曹振鏞

編修_臣裴謙覆勘

總校官進士_臣繆琪

校對官學正_臣李巖

謄錄監生_臣于希賢

欽定四庫全書

御製平定金川方略序

金川方略纂輯既竣諸臣以

聖祖平定朔漠方略

御製序文之例為請夫所謂方略者非遙執事權掣其肘而矜自用千里請戰之謂也惟天子將將將將之道無他信賞必罰而已夫以一隅之不靖徵發士旅飛輓芻糧騷率及數省舉億兆生靈之命委之一將


而攻守失據險易弗知怠公事而棄時日失士心而
張賊勢甚或掄敗為功逋逃告捷此而不誅時乃失
罰至夫盡臣宣力盡瘁馳驅金石可孚豚魚斯格成
勞卓越則車服以庸之旗常以紀之稽績逮於行間
執秩陳於幕府酬庸之典孰大於是此而不酬時乃
悵賞且夫天討有罪叛則誅而服則舍兵革非快意
之圖慘殺違好生之道然非其悔禍誠切向化革心
顧以姑息為包荒旋撫旋叛蔓延益熾雖由司事者


動乏成算而廟堂之無策亦已甚矣朕有鑒於大權
之不容旁貸有罪不赦有功必錄既朕不誅命討一
出於事理之當然而實無容心焉此兩年中宵旰憂
勤始終勿懈保大定功之本意而編集之不可以已
也若乃指授機宜視

皇祖之親勤鑒馭固無由仰企萬一而金川夙隸職方亦
非噶爾丹絕漠狡寇可同日而語要之行師者保邦
之大事爰允所請升言以示來許

乾隆十七年六月十五日

金川圖





金川圖說

金川為氐羗種類與董卜韓胡宣慰司同族明代有哈衣麻衣喇嘛者得封演化禪師領受印信

國朝康熙六十一年土舍色勒奔初傾心向化令其頭目赴川投誠遵奉調遣撥發土兵五百名隨大

軍巡查羊筒克著勤勞撫臣塞爾圖提臣岳鍾琪

委以副長官司職銜令管理駐牧事務雍正元年

督臣年羹堯請授為安撫司得

旨俞允部給印信號紙乾隆七年色勒奔初病故以其子
莎羅奔承襲其地距保縣五百九十里東與木坪
董卜土司接壤二百四十里南與沃日接壤三十
里西與扣色吉生番接壤一百二十里北與雜谷
接壤三百里皆崇山峻嶺鳥道羊腸一出陶關即
有竹索橋絕險最為難渡其巢穴有二一在勒歪
一在刮耳崖相距約一百二十里瀘河經其中沿
河崇山峭聳不容馳驟稍平處即係番人耕種之

地碕樓石卡夾峙其間瀘河發源志乘無考由郭
羅克會綽斯甲之水繞日傍山入金川界過勒歪
與小金川諸山至章谷會合由木坪大河入瀘定
橋水勢不一平處則用皮船遇灘則負船盤灘沿
岸而過方可乘舟自刮耳崖橋至卡撒約四十餘
里其間有左梁右梁阿利丹噶木岡昔嶺色爾力
木達諸山俱干霄蔽日壁立萬仞在在皆番碕
卡自為守禦至昔嶺盡處即刮耳崖巢穴碕高寨

厚環以平房背負崇山左右皆係石崖前臨大河
近巢穴十餘里道路尤險於石崖之上架木為棧
僅容一人馬騾則去鞍以繩懸繫扶拽而行自勒
歪至黨壩約五十餘里中有木耳金岡革什戎岡
黨噶日傍諸山近巢數里皆土崖夾石臨河陡立
勒歪巢穴堅固寬廣倍於刮耳崖亦環以民居中
有一溝直通美卧其道路較刮耳崖稍為平敞至
於風土情形大都種青稞蕎麥孳畜牛羊砌屋建

碓不加藩柵食則糲粃飲則乳酪山茶富者衣繒
繒綾綺餘皆毛毯羊皮供養番僧不知醫藥慎重
誓盟刻木為信灼羊膀扯索卦以卜吉凶葬則或
水或火惟喇嘛之言是聽婚姻論財以牛羊馬匹
為聘男女相悅則攜手共唱番歌飲酒為樂名曰
跳鍋庄其性嗜利好鬪輕生易死履絕壁險崖若
康莊然凡重物俱背負而不知肩挑女子耳帶大
環男亦垂鉞自十二歲以上皆腰插短刀兵丁則

左手掇一鐵袖以為甲習鎗矛弩箭不善弓矢重
山疊嶂霧重風高山嵐瘴氣多寒少暑春夏雨雪
經旬累月罕有晴時每雨則霹靂大作電光中皆
有聲至八九月間始得晴霽隆冬積雪丈餘山谷
瀰漫堅冰凝結道路不通惟乾隆十四年春經略
大學士忠勇公傅恒在營時天氣晴和雨雪稀少
向來積雪之山深不盈尺春光照人無復陰霾之
象番民咸稱從來罕見良由

皇威遠播吉事有祥天意與人心膂合故也

附陶關以外隣近金川各番部落

陶關以外即瓦寺安撫司桑朗容忠其先於明代
世襲土職順治九年曲翊仲歸誠授職傳至桑朗
溫愷屢効勤勞得受功加遊擊職銜駐牧之地曰
草坡距汶川縣城二十里西與沃日北與雜谷接
壤

雜谷安撫司蒼旺即吐番之裔康熙十九年板第

兒吉歸誠授為安撫司駐牧之地曰雜谷距保縣城五十里南與金川瓦寺比隣北與吐番接壤今分為三家管理番民一曰梭磨副長官司勒爾悟其父囊索加布於雍正元年歸誠授職一曰土舍良爾吉以非土司故未請給印信號紙一曰沃日土女澤爾吉其先於明代世襲為沃日灌頂淨慈妙智國師傳至黑兒加於順治七年歸誠駐牧之地曰沃日距保縣五百五十里南與木坪比隣北

與金川接壤

小金川在明代曰金川寺演化禪師傳至吉兒卜
細於順治七年歸誠授職駐牧之地曰美諾距保
縣五百九十里東與沃日比隣西與金川接壤

明正宣慰司堅參德昌其祖蛇蜡喳吧於康熙五
十年歸誠授職駐牧打箭爐東與天全州連界西
與裡塘接壤

木坪宣慰司堅參囊康其祖達結祖烏兒結於康

熙元年歸誠授職其地東與天全州連界北與沃日接壤

革什咱安撫司扎什羅爾布其祖登進鄉祖額魯七立於康熙四十年歸誠授職其地西與綽斯甲北與小金川接壤

綽斯甲安撫司策丁丙朱其祖資立於康熙四十年歸誠授職其地東與雜谷南與金川接壤以上諸番風土情形大都相似惟瓦寺木坪附近內地

稍知禮法習俗間有與內地相同者此外西路尚有郭羅克三阿樹羊崗阿壩等大小部落南路尚有裡塘巴塘德爾格忒霍耳孔撒麻書等三百餘種皆與金川遙隔故不備載

臣等謹按西南諸蠻有虞氏之苗裔之鬼方西漢之夜郎靡莫邛笮僰爨之屬皆是也其為王朝役使自周武王時孟津大會而庸蜀羌髳微盧彭濮諸蠻皆與焉其後楚莊蹻王滇而秦開

五尺道置吏沿及漢武置都尉縣屬仍令自保
此即土官土吏之權與歟有明踵元故事分別
司郡州縣額以賦役法制略備我

朝幅幘之廣曠古未有窮髮不毛之域莫不虔奉聲教
稽顙稱臣西南諸蠻次第歸誠悉依舊制撫綏
義取羈縻勿絕而已夫治蠻之道雖曰以不治
治之然而奸宄桀黠之徒夜郎自大恃其險遠
妄思蠶食隣封中朝置而弗問弱肉強食久且

重滋邊釁若唐之吐蕃回紇為患何可勝言語
曰為虺弗摧為蛇將若何則不庭之討亦勢所
不得已焉耳金川雄視諸番鷄張吞噬觀其侵
犯牛毛章谷占據小金川潛窺爐地意豈止修
小怨於隣封擁甲兵以自固而已及乎

天威所至拉朽摧枯力屈勢窮頓顙歸命悉還諸番之
侵地永矢六事以輸誠俾苞孽無滋根株盡淨
邊徼享敕寧之福番蠻絕烽火之虞事出萬全

功成永定雖興師二載不無勞費然懲創之功
又曷可少哉

恭

進平定金川方略表

經筵講官太子太傅議政大臣領侍衛內大臣武英殿大學士務府總
管兼管兵部事務紀錄二次臣來保等誠惶誠恐稽首頓首

上言

聖武丕彰震遐方而底定

皇猷遠播紀偉績以昭垂

威與德以兼施永靖要荒之域

言以功而益著聿開韜略之函澤洽西陲書傳右史
竊惟盛世非無征伐建威所以銷萌至神自裕機
權籌遠即堪示後是以周王協謀尚父用傳金匱
之編宋廷分賜邊臣亦有環珠之要廓清所著懿
燦斯垂及

本朝而控馭尤隆凡率土皆聲教所訖流沙蟠木悉
占風航海而來烏弋黃支每屢譯重趂以至蠢茲
莎羅奔者俗本黎獠地憑尚箐供箝馬焚僮之賦

比駢駢櫟榆之倫恃其雄長諸番遂敢陸梁僻壤
穴深卡壘蠶叢罕到之區山峻碉門鳥道難登之
棧雖經疆吏之討未即挫鋒重以總戎之征尚稽
授首魚因漏網益吹浪而沸脣雁縱驚弦肯凌颺
而戢翅斯其怙惡實屬罔悛固非小懲所能示戒
欽惟

皇帝陛下

奉三而治

得一以貞

仁覆垓埏舉欲納諸熙皞

量函中外皆將予以薰陶爰念夫化日光天必掃此

蠻氛瘴霧

帷幄之謨獨運無煩借箸而籌

廟堂之算如神直可按圖而得臣瑊討賊一軍皆聲勢

飛騰爾度視師諸將盡雷風奮發玉壘輝旌旗之

色錦江流鼓角之聲謀間先誅鄉導不留管敢穴

巢必探么麼敢大夜郎作氣於風餐雪虐之中選
鋒於墮指裂膚之候挾輶銳士麾螭弧以登城破
峽神丁砍蒺藜而拔寨丞相渡瀘河深入將軍從
天上飛來固知風鶴之皆驚不信釜魚之能活於
是哀號乞命呼籲投誠行成之使頻來納款之文
屢至方將翦而朝食夫且厲以晨炊

帝念蕩掃非難愚蒙可憫蜀地古來少日姑莫嗔狂犬
之驚氏中久不見天且為發醢雞之覆因其歸命

予以維新宣明詔於金雞遑嚴誅於銅馬忤舞直
聞六詔歡呼殆徧三巴當其請涖盟而除地環行
陣以設壇擊鉦吹螺音流梵樂鼓鼙連臂曲奏蠻
歌受明約於六條願銜恩於萬世獻朱提而滿索
添弘農得寶之章進古佛以籠龕交月氏貢香之
禮幸日雲之得覩中國其有聖乎誓頂踵以胥捐
南人不復反矣計王師壓境猶少格苗之二旬訖
露布達京正協擒么之八日從此遐陬向化奉朝

請者逾增納賁之邦荒裔聞聲祠冠帶者彌謹敬
關之使涵四遊於一氣合萬國以同家豈非震疊
鴻規昭赫聲濯靈於無外抑亦邊陲盛事恢幅長
員廣於無窮凡茲偉烈悉本

宸衷疆事方殷無日不來劄奏軍書每接逐條必示機
宜遂制勝於蠻疆宜揚輝於簡策昔者車攻采芑
詩篇累著乎周京柳雅韓碑記載炳傳乎唐室矧
此式光前烈可無昭示來茲共請編摩仰承

俞允開方略之館命纂修之官按事撰文直書紀實時
日道里之必晰芻糧器仗之必詳稿屢易而後成
歲再更而始竣謹加釐定繕寫進

呈臣等或曾在戎行或與聞籌畫尚愧奉行未逮敢
稱汗馬功高深慚叅贊無從徒作跼鵲時想茲幸
効能鉛槧如飛矢石以揮毫重得詳究韜鈴仰見
繚鏌之在手簡書是核非云起例發凡纂輯維勤
庶免掛一漏百伏願

至誠常感

誕保彌殷

偃武繼以修文四海享太平之福

義正歸於仁育萬年開王會之圖

臣等無任瞻

天仰

聖激切屏營之至謹奉

表恭

進以

聞

正總裁官

經筵講官太子太傅議政奎領侍衛內奏武殿學士翰林總管兼掌兵部事務紀錄臣 來 保

副總裁官

奎領議政奎領寶銀紅旗滿都統兼掌軍機事務紀錄臣 舒赫德

經筵講官太子少師工部尚書臣 汪由敦

奎領鑲黃旗滿都統兼掌驛院事務軍功加級紀錄臣 納延泰

經筵講官都侍郎鑲黃旗滿洲副都統加級紀錄臣 兆 惠

原任工部右侍郎兼管兵部侍郎事務加一級臣劉綸
提調官

內閣侍讀軍功紀錄三次又加二級紀錄一次臣靈毓

順天府府丞加一級軍功紀錄一次臣馬燝

原任吏部郎中今陞福建布政使紀錄十次臣德舒

原任戶部員外郎今陞奉天府府尹軍功紀錄三次又紀錄一次臣鄂寶

滿纂修官

戶部銀庫員外郎兼佐領軍功加三級紀錄三次又加三級紀錄臣常亮

戶部員外郎軍功紀錄三次又加二級紀錄五次

臣

安福

內閣侍讀世襲雲騎尉軍功紀錄二次又加二級紀錄四次

臣

富察善

原任內閣中書今陞廣西桂臨府同知軍功紀錄二次又紀錄四次

臣

景宣

原任內閣中書今陞蘇蘇府同知軍功紀錄二次又加一級紀錄一次

臣

官登

原任內閣中書今陞肅涼府理事同知軍功加三級紀錄三次又紀錄一次

臣

傅顯

原任大理寺評事今陞山西汾州府同知軍功紀錄四次

臣

圖桑阿

漢纂修官

內閣侍讀軍功紀錄二次又加一級紀錄三次

臣

楊承曾

候補內閣侍讀軍功紀錄二次又加一級臣袁芳松

主事銜僉軍機處行走軍功紀錄一次又加職銜一級又加級臣畢誼

內閣中書軍功紀錄一次又加一級紀錄三次臣胡廷樞

內閣中書軍功紀錄二次又加一級紀錄三次臣曹錫寶

內閣中書軍功紀錄二次又加一級紀錄三次臣莊培因

原任順天府府尹參陸兵部右侍郎軍功三級又加一級紀錄一次臣胡寶琮

原任內閣中書參陸江西吉安府知府軍功加三級紀錄一次臣沈作朋

收掌官

內閣侍讀軍功紀錄二次又加一級紀錄一次

臣

覺羅巴延三

宗人府主事軍功紀錄一次又加二級紀錄一次

臣

哇朝棟

宗人府主事軍功紀錄一次又加二級紀錄一次

臣

毛永燮

兵部筆帖式軍功紀錄二次又加三級

臣

薩壁

繙譯官

戶部郎中加一級紀錄一次

臣

徐綿

戶部員外郎加二級紀錄三次

臣

輔德

原任戶部郎中今陞福州副都統紀錄十六次

臣

曹瑛

滿騰錄官

生

員臣覺羅滿喜

生

員臣滾親

官

學

生臣覺羅福祝

官

學

生臣覺羅哈福納

官

學

生臣覺羅爾康德

官

學

生臣德克進

官

學

生臣杜爾松阿

義

學

生

臣

阿林

義

學

生

臣

廣泰

義

學

生

臣

金齊獻

漢騰錄官

翰林院待詔加一級紀錄二次

臣

申大年

庶吉士加一級紀錄二次

臣

李承瑞

舉

人

候

選

知

縣

臣

金修仁

舉

人

揀

選

知

縣

臣

段元鈺

舉

人臣周鳳岐

廩生

捐職縣

丞臣張若翼

監生

捐職鹽大使

臣杜霖

監生

考職主簿

臣陳延嗣

監生

考職吏目

臣張鴻猷

監生

考職吏目

臣戴紉

監生

考職吏目

臣張顧霖

監生

考職吏目

臣戴有容

監

生臣
周兆蛟

欽定四庫全書

史部三

平定金川方略自錄

紀事本末類

卷一

乾隆十一年十一月二十六日至十二年三月二

十四日

卷二

乾隆十二年四月初四日至六月十七日

卷三

乾隆十二年七月二十六日至九月三十日

卷四

乾隆十二年十月初四日至十二月十九日

卷五

乾隆十三年正月初十日至三月初二日

卷六

乾隆十三年三月初三日至五月十二日

卷七

乾隆十三年五月十五日至六月十五日

卷八

乾隆十三年六月十六日至七月初十日

卷九

乾隆十三年七月十一日至閏七月十七日

卷十

乾隆十三年閏七月十九日至二十八日

卷十一

乾隆十三年八月初二日至二十四日

卷十二

乾隆十三年八月二十五日至九月十三日

卷十三

乾隆十三年九月十九日至二十九日

卷十四

乾隆十三年十月初一日至二十二日

卷十五

乾隆十三年十月二十三日至十一月初十日

卷十六

乾隆十三年十一月十一日至二十二日

卷十七

乾隆十三年十一月二十三日至二十八日

卷十八

乾隆十三年十一月二十九日至十二月初八日

卷十九

乾隆十三年十二月十一日至二十日

卷二十

乾隆十三年十二月二十一日至二十九日

卷二十一

乾隆十四年正月初一日至十三日

卷二十二

乾隆十四年正月十四日至二十五日

卷二十三

乾隆十四年正月二十七日至二月十二日

卷二十四

乾隆十四年二月十四日至二十五日

卷二十五

乾隆十四年二月二十六日至三月十三日

卷二十六

乾隆十四年三月十四日至十五年十二月十二日

日

卷二十七

御製詩文

卷二十八

藝文

卷二十九

藝文

卷三十

藝文

卷三十一

藝文

卷三十二

藝文

臣等謹案

欽定平定金川方略三十二卷乾隆十三年大學

士來保等恭撰

奏進凡二十六卷後恭錄

御製詩文一卷又附載諸臣紀

功詩文五卷金川土司在四川徼外本吐蕃之遺種
即明史所謂金川寺者是也

國朝康熙中其土舍色勒奔初慕化歸誠奉職
維謹雍正中

頒給印信號紙俾世守故疆其子郎卡襲職漸肆鴟
張稍搏噬其族類守臣請加征討以寧九姓
之宗我

皇上以荒憬蠻貊自相蠶食不足以勞我六師惟
勅慎固邊圉以防其變而沙羅奔狼性原貪鷄音
弗改不思緩行九伐為寬以悔過之途仍肆
凶殘自于

天討乃于乾隆十三年冬

特簡大學士傅恒為經畧董率熊罷剪除蛇豕靈
夔聲震山鬼伎窮掃穴焚巢在于指顧始知
螳螂之臂不足抗拒雷霆窮蹙乞降籲呼請

命于時桓桓七萃猶思直斬樓蘭而我

皇上聖度符天宏開湯網閔其知罪許以自新

特詔班師貸存餘息計自禡牙以迄飲至往返一

二萬里為期不及兩年蓋終沙羅奔之身蹙

伏荒巖莫敢吹虺毒厲豺牙馬雖文王因壘

而崇降舜帝舞干而苗格

豐功盛德何以加于茲乎其間決機制勝悉稟

睿謨是編所載

詔諭之指授章奏之

批答隨在可見

神武不殺之至意併以見厥後索諾木夜郎自大

終戮藁街實辜

德逞凶禍由自取于理于勢皆不可姑容非

聖人之有意于用兵也乾隆十年月恭校

上

總纂官臣紀昀臣陸錫熊臣孫士毅

總校官臣陸費墀

欽定四庫全書

平定金川方略卷一

欽惟

國家重熙累洽久道化成

列聖相承功德隆盛薄海內外罔不率俾我

皇上以神聖嗣服勤求治理宵旰孜孜盛德大業日

起有功謨烈紹乎

祖宗膏澤覃乎黎庶聲教所被凡雕題鑿齒之倫窮髮

欽定四庫全書

平定金川方略
卷一

不毛之域靡不奔走順則同我太平藐茲金川
為西南夷雜種僻處蜀徼陶關之外與木坪沃
日雜谷諸土司接壤

本朝順治九年歸附頒演化禪師印信俾領其衆莎
羅奔者初以土舍從岳鍾琪征羊崗有功雍正
元年授為安撫使以分金川土司之勢雍正八
年頒給印信號紙不徵賦稅其地崇山複嶺春
夏積雪與中國道路不通據險設碉恃以自固

其人獠犴角逐若犬豕麋鹿然非可以仁義格
而禮法繩也野性不馴互相仇殺雖奉正朔亦
曰羈縻莎羅奔性尤桀驁自稱大金川而以金
川土司為小金川陵轢種類戕害骨肉饕餮無
厭鄰封莫不切齒至是恣橫日甚且將近我邊
徼維時梁益守臣請加懲創用彰

國威

上猶以蠻夷自相攻擊其性固然不足重煩師旅惟

勅慎固封守無使侵軼既而狼貪蹈藉固有悛心始
不得已

命將興師聲罪致討然

聖度廣遠包荒無外猶冀其聞風震懼歸我王化以
兼幬並覆非必草薶而禽獮之也乃一二臣之
不協厥心或畏難苟安或坐視成敗賞罰不明
進退失律糜餉老師績用弗集

皇上赫然震怒既底厥罰乃振獨斷之乾綱運

九重之勝算乾隆十三年十一月癸丑

特簡大學士傅恒前往經略並選滇黔秦楚勁卒加
以都城天策神策之軍期門羽林之士及

盛京船廠黑龍江滿洲索倫兵等貌虎赳桓後先
進發芻糧山峙士馬雲屯經略篤誠自矢忠勇
奮發不憚艱瘁懸車束馬式邁其行至師之日
即整營壘簡軍實明號令軍容煥然改觀賊徒
驚駭謂神兵自天而降紀律森嚴迥非前帥比

固已褫厥魄而奪之氣矣其小金川土舍良爾
吉從征日久陽效先驅陰懷二志軍中消息時
多洩漏賊因得以主待客聲援抵禦我師往往
失利賊益負固不服雖時揚言納款實嘗試主
帥以緩我師益深壘自守我

皇上神明遐矚先已密諭加誅而張廣泗始終回護
在營諸將模稜兩端相視莫敢發經略至營獨
排衆議召良爾吉至帳下數其罪而誅之羣番

朕粟膝行莫能仰視莎羅奔自知罪惡貫盈且失所恃理無倖生乃窮蹙投誠分遣頭目哀籲軍門者日凡數至經略以奉

命視師惟知討賊方刻日誓衆期於掃穴犁庭歸報竣事賊益惶怖無措乃藉提臣岳鍾琪舊恩搖尾乞憐翼轉達經略之聽焉經略受任馳驅公忠體

國凡山川情形輒輸難易無不備悉入

告我

皇上好生為心仁同覆載既稔窮寇之不足較復念
西陲連歲用兵邊民急宜綏輯雖垂成之功勢
同破竹然兵戈有旬日之稽遲即民間有旬日
之勞困屢

勅經略當因其乞降即予肆赦毋多殺以極兵威十
四年二月癸未經略承

命受降先是提臣岳鍾琪既允莎羅奔為請納款由

黨壩啓行經賊巢穴莎羅奔隨赴大營率土舍
郎卡並其徒衆數千百輩頂佛持經焚香頓顙
誓願遵奉示約永效狗馬之報言出誠悃感極
涕零向之懷詐反覆者一變而革面革心無幾
微纖芥之譎詭故知

聖德所昭無遠弗届中孚之吉可格豚魚今古同符
理無或爽是役也自推轂以至班師時未七旬
捷音由軍營達於都門僅八晝夜大兵調集抵

川者甫及其半而膚功迅奏征夫免荷戈之勞
居人無輸輓之役耕者忭於野行者歌於途豈
獨金川之人以幸保首領感頌

聖明凡我士民其孰不呼舞笑語歡聲雷動端惟我
皇上聖德廣大天包海涵上承

聖母皇太后懿訓慈詳愷惻茂育羣生有以致此三月

丙辰經略振旅還京

上命所司詳察典禮擇日祭告

天

地

宗廟

社稷恭上

聖母皇太后徽號錫爵酬庸

頒詔肆赦行慶施惠無有不悅告成太學

御製碑文刻石垂遠於是大學士臣張廷玉臣來保

等合詞陳奏曰金川告捷邊徼永寧臣等幸際

昌期躬逢盛事快覩元臣之奏凱仰惟

聖主之運籌自陳師命將之初暨振旅還軍之日決

機定策胥由

五夜焦勞禁暴遏劉咸賴

九重經畫指萬里山川於掌上奠百年疆宇於目中

揆幾度越羣謀制勝悉符

天意奉

慈幃之懿訓休養生靈沛

黼座之溫綸綏懷異類用示止戈之武洪施解網之
仁吉事有祥功成不戰舞干羽而敷文德何以
尚之橐弓矢而序有周蔑以加矣昔

聖祖仁皇帝親統六師平定朔漠曾允臣工之請編輯
方略之書

盛烈鴻猷昭垂萬古我

皇上以聖繼

聖神武遠揚允宜恭紀縹緗用以廣傳海宇式彰

綸綍昭

一人宵旰之精勤媲美典謨為萬世子孫之法守奏

入

諭曰朕惟金川之後原非好大喜功今茲奏凱班師

仰荷

天

祖默佑貽慶無疆而元輔之抒忠奮勇將士之敵愾騰
懽有以震懾蠻方廓清荒徼朕非自詡其功欲以

鋪張誇耀第軍旅為國家大事其端委曲折非紀載詳明無由稽考且

聖母皇太后懿訓之慈祥愷惻朕於此事始終經畫之宵旰焦勞不可不垂示後嗣子孫俾共喻保大定功之艱止戈為武之義著照所請行諸臣承

命啓館纂修平定金川方略謹按前後用兵始末自乾隆十一年十一月訖於乾隆十四年四月舉凡

聖訓之所指授章奏之所敷陳關於軍機緊要者編
年繫日據事實書惟是臣等學植膚陋才識疎
庸懼不足以鋪揚

盛烈於萬一云爾

乾隆十一年十一月丁巳原任大學士川陝總
督慶復以金川土司莎羅奔肆橫不法入奏略
曰莎羅奔秉性兇悍結怨鄰封屢與革什咱土
司爭地近更自殘骨肉欺壓小金川臣於上年

即聞誘縛小金川土司之語飭弁嚴查直至臣
在口外已破膽對方遣土目具稟稱伊與小金
川本係叔姪因小金川無禮故加教訓非敢發
兵爭地今已遣人送回臣細察情形實為強橫
但念自在土司境內侵擾並非干犯內地若輕
議討勦似非得計況伊與四面鄰封盡為仇敵
即怙終不悛而以番攻番自可無勞兵力非若
膽對滋擾邊境必須急為翦除也奏入

諭曰瞻對甫完功佳兵不祥卿所見極是然既有此事不可不留心也又

諭曰如卿所見紀山能辦此乎

乾隆十二年正月癸丑慶復奏言臣前陳奏金

川莎羅奔肆橫不法欽奉

諭旨詢臣紀山能否辦理臣查紀山前駐藏時於一

切番情頗能留意抵任以來亦復力為經理臣兩次到川與之商辦諸務見其實心整頓不敢

稍懈竊以為紀山辨此似能克副

皇上綏靖邊陲至意奏入

報聞

二月癸酉原任四川巡撫紀山奏言金川土司
莎羅奔於乾隆二年侵佔革什咱土司蓋古交
等處四寨上年又誘致小金川土司澤旺奪取
印信經臣與督臣慶復會飭查究始將澤旺放
回歸還印信近又據打箭爐同知鮑成龍等稟

報談酋修路造船派兵把守甲索地方揚言欲
改革什咱臣現在飛飭各談管員弁確查實情
一面繙譯夷語告示曉諭化誨並飭附近各土
司密加防範以杜窺伺惟是莎羅奔屢於蠻中
造釁漸不可長臣與慶復商酌談酋如果負固
不服只須以蠻攻蠻無庸用兵征勦奏入

上命軍機大臣等傳諭慶復紀山曰據紀山奏稱莎
羅奔侵佔革什咱土司地方誘奪澤旺印信並把

守甲索欲改革什咱苗蠻易動難馴自其天性如
僅小小攻殺事出偶然既非侵擾疆圉於進藏道
路塘汛無梗彼穴中之鬪竟可任其自行消釋不
必遽興問罪之師如其仇殺日深勢漸張大則當
宣諭訓誨令其息憤寧人各安生業蓋苗蠻頑梗
無知得其人不足臣得其地不足守蜂屯蟻聚無
足深較倘果有抗拒侵軼不得不宣布皇威用示
懲創亦當相度機宜慎之於始切弗輕為舉動但

不可因遵朕旨即或有關國體不得不示以天威者亦一味因循惟在慶復紀山等詳察事勢令輕重合宜耳即如瞻對一事初亦非敢有侵犯而一經辦理不免命將出師並由京城派員前進皆由事前不能先有成算以至於此足見控馭遠夷全在機宜合要邊吏喜於生事營弁不知遠謀往往過為張皇因小釀大不知千鈞之弩不為鼯鼠發機惟修繕守禦厚蓄聲威俾知畏憚奉法弭耳輸

誠庶幾恩撫威懷各得其道也

臣等謹按金川小醜陸梁自外

王化守臣方有意翦除我

皇上已深計遠慮謂苗蠻頑梗無足深較但當處置
得宜使之畏威懷德迨莎羅奔搆豐不已漸
犯內地始加懲創以示

國威洎乎窮蹙歸誠則仍受降不殺是我

皇上不得已而用兵之苦心固天下臣民之所共曉

而燭照幾先如運諸掌自始事以及乎訖事
俱不出此

諭旨之中則

聖主攘外安內柔遠能邇之神謨誠非臣下所能窺
測萬一也

丁亥紀山奏言莎羅奔於本年正月二十九日
及二月初三日擅帶蠻兵攻圍革什咱之正地
并切殺明王土司所屬之魯家章谷查該處去

打箭爐路止四日諛酋敢於攻圍殊屬不法爐地存城兵丁單弱恐諛酋萬一猖獗不得不預為防範臣現在檄飭秦寧協副將張興酌帶官兵前赴爐地彈壓又查本年復設口外臺站原派兵一千名定於二月內出口今亦飭暫留爐地協防以壯聲援再查威茂一協為川西門戶令諛副將何啓賢酌帶本協官兵在雜谷關等處防其衝突適夔州協副將馬良柱因公在省

亦飭令暫赴威茂彈壓倘諛首敢於犯及內地
臣即咨會督臣調發官兵進剿奏入

上命軍機大臣等速議議曰據紀山所奏莎羅奔攻
圍魯密章谷距爐密邇已派副將張興赴爐並
留臺站兵丁協防又令副將何啓賢防範雜谷
開等處副將馬良柱前赴威茂彈壓即此辦理
已屬周密如諛酋怙惡不悛敢有抗拒侵軼是
逆之李里目又或上印當用兵勦滅以多

國威惟是總統大員必宜慎重總督慶復既距川
遙遠副將馬良柱恐難勝此重任倘必應用兵
征勦應令巡撫紀山親往駐劄總統相度機宜
一面辦理一面奏

聞可也

上從之

三月戊戌慶復奏言接准撫臣紀山咨稱莎羅
奔攻擊魯密章谷等處地近爐城業經量添官

兵防範又聞金酋有攻擊木坪之信亦已撥兵
守禦臣思金酋兵勢雖盛離巢已遠豈敢遽越
西爐而攻木坪總緣明正木坪兩土司年幼皆
係土婦任事番性易擾是以傳播紛紛臣業將
爐城防兵已多勿更驚擾飛諭各該地方並嚴
諭該將等止許守險養威勿得邀功生事伏查
金川人同鬼怪賤甚牛羊自頒授印信以來仍
同化外與小金川土司澤旺本屬叔姪乃以女

妻澤旺掌印管地全在土婦又嫁一女與巴旺
土司其鈐制之法亦如小金川諛土司不過空
名而已諛酋得此兩路陰收其民更欲爭奪鄰
封此番既攻草什咱又侵明正司此兩處土司
豈容任其佔踞誠如

聖諭有不得不示以國威者臣愚以為金川四面環
山羊腸鳥道用兵之際餽運維艱止可令鎮將
帶兵各據要害仍用以蠻攻蠻之法使小金川

革什咱巴旺各伸報仇之心舉戈相向又令川
西雜谷梭磨等侵擾其後我兵既無深入之憂
可行可止操之在我似為得策是日又據紀山
奏言據泰寧副將張興稟報金酋攻奪魯密章
谷番民望風畏避坐汛把總李進廷不能抵敵
退保呂里諛酋竟敢直渡河口招撫附近爐地
毛牛一帶蠻民勢甚猖獗臣隨檄調建鎮標兵
八百名並黎峩兩營兵四百名委遊擊保懷智

都司苟興等帶領前往瀘定橋清溪縣地方分
駐彈壓又據川西文武稟報金酋分出一路蠻
兵在川西雜谷之黨壩下營迫脅蠻民投順臣
隨檄暫駐威茂協副將馬良柱帶兵四百名在
雜谷開彈壓以為雜谷梭磨等土司聲援伏思
莎羅奔如此肆行侵擾其罪實屬難逭臣非不
知瞻對甫平兵力自應休息但若不加懲創恐
各土司或有效尤將來辦理更費周章與其日

久滋蔓難圖不若此時聲罪致討為較易也奏

入

上俱命軍機大臣等速議議曰金酋既攻魯密章谷
又有分兵攻木坪之信遠離巢穴逼近內地其
侵軼之意顯然且小金川巴旺兩土司皆妻以
伊女陰收其民更欲爭奪鄰封跳梁不法實與
班滾無異從前班滾負固抗拒雖經征勦不過
焚其巢穴不足以震懾諸番之心是以金酋敢

於效尤漸加肆橫此次必當痛加懲創大震

國威始足以永奠蕃蠻前臣等議覆紀山摺內因
慶復駐劄西安離川甚遠且其時賊酋恣擾尚
在番地是以議令紀山前往總統今金酋勢既
猖獗非僅以蠻攻蠻之策可以了事應令大學
士慶復親身前往川省駐劄要地酌看情形若
金酋竟敢越爐地而攻木坪或當分佈攻巢或
當要截其後令慶復相度機宜妥協辦理當以

瞻對為鑒毋致曠日持久倘諛處綠旗官兵不免因循舊習應須請用在京官兵亦即行請

旨派往可也

上從之

辛丑

上諭內閣曰大學士慶復在外多年綸扉重地應召取回京辦理閣務昨歲四川瞻對之後甫經告竣今又有金川番蠻肆橫不法已命慶復相機征勦

今思彼地番衆恃強生事屢屢不能安輯必須經
理得宜始可永遠寧帖貴州總督張廣泗於此等
苗蠻情形素所熟悉貴州地方張廣泗料理以來
現在妥協苗種向化可以無虞川陝總督員缺著
張廣泗補授不必來京即由貴州取道速赴川省
大學士慶復俟伊到川之後將彼地事機情形詳
悉告知或可回京或仍應留川一同辦理自行酌
定不必急於赴闕也雲貴三省原係總督一人管

轄著仍復舊制即以張允隨為雲貴總督圖爾炳
阿著授為雲南巡撫孫紹武著授為貴州巡撫

初瞻對之後張廣泗陳請親赴軍營相機籌

畫

上以將次就功未允所請至是始改授川陝總督

壬寅

上命軍機大臣等傳諭張廣泗曰四川為臨邊要地
外接百蠻山深箐密兼之諸番野性難馴恃強凌

弱攘奪仇殺叛服不常數年以來屢多不靖上年
瞻對復敢跳梁今又有金川肆橫不法朕因張廣
泗熟悉苗蠻情形已降旨調任川陝總督矣前據
慶復等奏報莎羅奔將伊一女妻小金川又嫁一
女與巴旺以為鈐制之方近改革什咱之正地寨
又攻明正司所屬之魯密章谷番民望風畏避坐
汛把總李進廷退保呂里看此情形則賊酋恃其
巢穴險阻侵蝕諸番張大其勢并敢擾我汛地猖

獮已甚張廣泗到川之日會同慶復將彼地情形
詳加察度其進剿機宜作何佈置一切糧餉作何
接濟善為辦理再瞻對甫經平定即有金川之事
揆厥所由總因渠魁班滾未經授首無以示威使
之聞風懾服即據報班滾焚燒自縊之處情節可
疑焉知不詭計免脫潛往金川勾通致釁張廣泗
到彼正可詳細訪察伊於此案並未經辦自必無
所瞻顧也至川省番蠻種類繁多歷來多生事端

即如郭羅克於康熙年間橫肆劫奪旋經安輯迨乾隆七年又復滋事其他如曲曲烏夷等亦復自相攻殺後經發兵彈壓始得寧帖又如巴塘裡塘近因將汪結補授宣撫司其屬下遂有煩言蓋番性易動難馴尋仇報怨是其常事但伊等皆受朝廷封號給與號紙乃不遵約束互相戕賊即在土司地方蠢動不得不為防範已費經營若敢逼近內地擾我邊陲則聲罪致討更屬勞師動衆總因

平日駕馭無方未有成算不能使之懾服畏威以致蠻氛未靖張廣泗熟悉苗情善於撫馭大抵番蠻與苗性相近今蒞川省即以治苗之法治蠻自能讜服其心消弭其釁務須一一通盤計算為永遠寧謐之圖可將從前川地所有辦過郭羅克曲曲烏夷瞻對等及現在金川案件抄錄交張廣泗閱看俾豫知彼地前後原委以便熟籌經理副朕綏靖邊疆之意

己酉紀山奏言前莎羅奔侵擾鄰番漸近邊境
經臣節次

奏明今該酋又勾結綽斯甲結隆冲二土酋攻圍
霍耳章谷等寨又於呂里埋伏蠻兵遊擊羅于
朝令千總潘洪向朝選土百戶得賴等帶領漢
土兵六百名前往偵探堵禦行至中途猝遇蠻
兵土兵不戰四散我兵奮勇抵敵帶傷外委二
員陣亡千總向朝選一員蠻兵復直壓毛牛地

方遊擊羅于朝出營抵禦帶有鎗傷千總楊璠
亦帶矛傷副將張興聞報隨撥千總王智帶領
官兵二百六十名前赴應援臣思諛首敢於傷
犯官兵罪大惡極聲討不容緩臣已將從前
豫派漢土官兵先催分赴爐地茂保等處駐劄
聽候至期攻勦至軍糧必須豫備打箭爐倉雖
貯有軍米萬石但瞻對之役甫畢明正番民又
新被擾害僱覓烏拉甚屬艱難川西茂州保縣

素不產米青稞亦未成熟止可於成都等處附
近州縣作速籌辦碾送其川西一路官兵臣現
在飛咨松潘鎮臣宋宗璋令其速赴茂州就近
調度彈壓並飭派叅將蔡允星即前往打箭爐
協同副將張興辦理川南軍務為此奏

聞奏入

上命軍機大臣等速議議曰金酋恃強肆虐吞併鄰
番已屬不法今乃敢逼近內地抗拒官兵悖逆

已極自應迅派兵丁遴選將弁統率前往相機
進剿紀山雖稱已將豫派之漢土官兵先催分
赴茂保等處以備攻剿但此番料理務須大振
兵威痛加懲創方足以殄除逆類永淨蠻氛本
月初八日臣等已議令大學士慶復前往川省
酌度情形妥協辦理又奉

旨以張廣泗總督川陝令其速赴川省會同慶復將
派兵運糧諸務善為籌辦今應再催張廣泗剋

日到川會商進勦機宜慶復張廣泗未到之先
一切佈置防範交紀山詳慎經理至於軍糧最
關緊要紀山既稱僱覓烏拉甚難川西青稞未
熟應如所奏即於成都等處州縣速行趲運以
濟軍需或有附近軍營倉糧較成都等處更為
便捷者亦准先行撥發應用俟成都運至陸續
補還並令一面辦理一面奏

聞可也

上從之是日

上又命軍機大臣等傳諭張廣泗曰據四川巡撫紀
山奏稱莎羅奔勾結黨與攻圍霍耳章谷千總向
朝選陣亡並侵壓毛牛鎗傷遊擊羅于朝經軍機
大臣議令該督撫等迅派官兵遴選將弁統率前
往相機進剿朕已令星速行文知照前將張廣泗
調任川陝總督諭令速赴川省今觀紀山此奏勢
不可緩可再傳諭張廣泗令其剋期前往會同紀

山相度機宜如慶復已經赴川即著一同商酌進
兵迅速勦滅毛牛迫近西爐逆酋敢於侵擾傷及
官兵猖獗若此總由前此瞻對之事辦理未善無
所懲創不足以震懾蠻心且所遣將弁輕率寡謀
不知用兵節制兼之崇山密箐餽運艱難曠日失
時烏拉死傷甚衆此皆前事之失可為炯鑒此番
千總陣亡由於陷伏遊擊甫經迎敵即已受傷官
兵輕進取敗土衆望風奔逸其疎忽輕遽漫無紀

律已可概見張廣泗從前辦理貴州苗疆尚為妥
協此次進剿一應機宜專聽張廣泗調度申明軍
律指授方略迅速進兵務令逆酋授首剗絕根株
永靖邊境張廣泗有在黔所知習於軍旅臨陣勇
敢足以出奇制勝之將弁欲帶往川省驅使者亦
可酌量帶往一面奏聞

臣等謹按瞻對捷奏初至慶復以為燒燬碉
樓班滾業經焚斃我

皇上洞燭情形即謂班滾狡計百出無安坐受焚之
理所奏非實既加訪察班滾果已脫逃而將
弁之輕率寡謀主帥之經理不善無一不在
聖明鑒照之中茲金川之役以張廣泗曾在苗疆著
有成績是以推心委任一應進勦機宜悉聽
調度而以瞻對之草率了事為鑑前車其付
托之專壹指示之明切膺斯任者宜何如抒
忠奮勇仔肩重寄也

癸丑

上以廣東右翼鎮總兵許應虎與四川建昌鎮總兵
畢映對調令速馳驛前往隨

命軍機大臣等傳諭慶復張廣泗曰許應虎已降旨
調補四川建昌鎮總兵伊前於廣西義寧軍營奮
勇出力著有勞績今來京引見朕觀其人勇往壯
健歷練行陣如金川用兵有應用總兵大員之處
就近與宋宗璋一同調委統率當於軍務有益是

日四川副都統卓鼎奏言奴才在川聞知金川
蠻酋搶奪土司革什咱及章谷等處地方巡撫
紀山調兵防禦伏思此等逆酋跳梁搶劫若不
行勦滅無以懾服諸蠻奴才已於成都滿兵內
挑選鳥鎗兵六百名弓兵二百名倘蠻酋敢於
侵擾內地即將此八百名兵酌量帶往以為勦
滅之用奏入

俞旨報聞

甲寅慶復奏言臣於二月二十八日自川起程
回西安准撫臣紀山咨據副將張興稟報遊擊
羅于朝因蠻兵有在呂里埋伏之信令千總潘
洪向朝選等帶兵偵探行至中途蠻兵從山坳
突出將土兵冲散漢兵奮勇抵敵互有殺傷千
總向朝選陣亡張興聞報隨撥兵前赴應援羅
于朝仍收兵徐歸大蓋又飛催遊擊保懷智帶
原駐瀘定橋之兵來爐等情臣查副將張興調

遣失宜遊擊羅于朝貪功冒進咎實難辭惟是
蠻兵既敢與官兵對敵又有殺傷勢難中止自
須大振

國威然後可以懾服番衆前准紀山商調漢土官
兵南路派調官兵二千六百六十名西路派調
官兵二千五百名其土兵臨時酌調紀山又商
請仍調西寧兵為接應臣以西寧兵不應再為
調遣因預派臣標屬兵二千名興漢鎮屬兵一

千名倘有需用隨時徵調今接准軍機大臣等
傳

諭令臣親往川省駐劄要地相度機宜妥協辦理臣
即於十五日起程前赴川省會同紀山悉心查
辦其一切籌餉派官分路會勦及鑄砲各事宜
容到川恭摺分別奏

聞至應否須用在京官兵之處亦俟臣審看情形再
行請

旨定奪奏入

上命軍機大臣等速議議曰發兵征勦臨機應敵必須就近調撥使師行不勞而轉運亦省方為有益前據紀山奏稱已調過建鎮兵八百名黎莪二營兵四百名威茂協兵四百名又留臺站原派兵一千名并檄行裡塘土司汪結帶土兵一千名現據慶復奏稱南路派調二千六百六十六名西路派調二千五百名是所派各兵應已數

用即再須調遣自可於川省近地酌撥不必因
一時用兵即於他省徵調慶復所奏督標興漢
各兵雖經派定且不必遽令前往如或必須調
用然後酌量起行至砲位雖係軍營所必需但
各標協營均有存貯操演之砲原以備攻戰之
用此次攻勦金酋所需砲位川省各營原貯之
砲自足應用若每一用兵即皆臨時鑄砲轉恐
耽延時日未能即得應用况從前瞻對用兵已

經紀山等奏明鑄有劈山砲位又有借用貴州之砲於此次軍營是否足敷應用抑或必須添鑄之處應令慶復一并妥酌具奏可也

上從之是日慶復又奏丁憂昭通鎮總兵董芳素悉其能請

旨帶赴川省又漢鳳營叅將烏德納候補叅將郎建業張豹臣標左營遊擊王世泰後營遊擊孟臣寧夏鎮標右營守備楊崑均堪驅策統請帶往

以備差遣

上命軍機大臣等傳諭曰慶復所奏帶往川省之烏
德納等六員俱准其帶往至董芳不過一聰明人
朕所深悉雍正十三年伊身係提督在副將軍任
內並未成功且致獲譴今現在丁憂即破例調用
亦於軍務未必有濟可不必帶往新調建昌鎮總
兵許應虎已令馳驛赴川有應用大員之處隨宜
委用當有裨益

[illegible]

欽定四庫全書

卷一

平定金川方略卷一